



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XIV. Pontificis colloquia de Concilio, tum publica cum omnibus simul  
Oratoribus, tum priuata cum solo Veneto. Responsa ad Cæsaris libelum,  
missa per Delfinum Nuntium.

**urn:nbn:de:hbz:466:1-11665**

1560.

## CAPUT XIV.

*Pontificis colloquia de Concilio, tum publica cum omnibus simul  
Oratoribus, tum priuata cum solo Veneto. Responsa ad  
Caesaris libellum, missa per Delfinum Nuntium.*

**D**isseruit de hoc arguento Pontifex præcipue cum Marco Antonio Amulio, Oratore Reipublicæ Venetæ, apud ipsum degente, cui admodum fidebat, tum habita viri ratione, ut patuit, dum illum postmodum coegerit eam dignitatem admittere, quam tot mortales deperiunt; tum respectu Principis, cum personam gerebat, quippe in huiusmodi negotiis ab omni utilitas appetentia remoti, excepto Religionis bono, & Christiani generis concordia. Litteras ab Amulio ad Senatum datas, dum Oratorem agebat, è quibus haud parum lucis hausit, lustrandas accepi unā cum aliis commentariis à Bernardino Cardinali Spada, viro qui hunc modi monumentorum locuples archivum habet in sua Bibliotheca; sed alterum longè locupletius ac præstantius in memoria, quoque mihi tot stimulos subdidit, tot monita, tot adiumenta suggesta ad hoc Opus conficiendum, quo Ecclesia Catholica defenditur, utrue uera possit eiusdem Operis auctor appellari non minus ille, dum meam manum impulit ac firmauit, quam ego, dum ipsa calamum contractauit.

Has litteras Amulij, & alterius cuiuspiam eiusmodi Oratoris, animaduerto Suaui pariter innotuisse, cum varia ipse referat ibi peculiari modo descripta. Sed duo inter me atque ipsum interfuerint in eruenda narrationis materia ex inspectis litteris: alterum, quod Suauiana chimice studet ab eo, quod ipse tractat, solum extrahere quidquid fœculentum est, adeoque prætermittit quidquid idem Oratores ibidem apponunt ad commendationem defensionemque Pontificis: quemadmodum non solum patebit ex narratione, quam infra delibandam dabo, in illorum litteris contenta, sed exempli gratiâ, ex iis, quæ scribit Amulius ad Senatum 6. Septembris anno 1560. his verbis: *Serenissime Princeps, in hoc Pontifice deprehenditur ingens amor communis boni, & optimus animus: que verba, & similia, passim obuia in huiusmodi litterarum voluminibus, quæ reguli, qui visi venenum afflarent, silentio obtreguntur à Suaui; in quo vere simul cum hac reliqua omnes notæ liuidi, nullaque auctoritate prædicti narratoris conspiciuntur, quas Plutarchus obleruauit in libello, De Herodoti malignitate.*

Alte-

Alterum quo à Suaui discrepo in huiusmodi monumentorum 1560.  
 3 vñsura, est, quod ipse in iis quæ proposito suo conducunt, plenissimam fidem tribuit his Oratorum litteris, etiam in rebus quas ipsi non visu sed auditu acceperunt, nullà aliunde comprobatione quæ sita; quod à me minime fit, nec fieri debet, nisi quando lux aliquæ peti non posset; tunc verò per cautam quamdam dubitationem: siquidem eos animaduertimus sèpè deceptos, non modò in arcanis negotiis; sed in patentibus; vnde super his etiam non raro sunt ab ipsis reuocanda quæ priùs suis Principibus significarant: idque in Amulij litteris frequens est. Exemplo fit: dum ipse ad Senatum scribit Caraffensem captiuitatem, tametsi complures postquam ea contigit dies, <sup>a</sup> enumerat simul cum illis custodiâ inclusos quosdam <sup>14.Iunij</sup>  
 insignes Præsules; quod verum non fuit, & ipse die postero palinodiam cecinit. Sed ad narrationem.

4 Amulio itaque exposuit Pontifex, semel publicè, & coram reliquis Oratoribus, quod infrà memorabo, sèpiùs verò priuatim & amicè ea quæ hîc simul subiiciam, quò melius vnico obtutu cuncta lector adspiciat <sup>b</sup>: Velle Principes & nolle Concilium: expeti à Gallis conditiones, quæ planè videbantur à Protestantibus dictatæ: <sup>27. Maij,</sup>  
 Hispanos sic illud amplecti, vt simul Cæfaris consensum vellent: <sup>3. Iunij, &</sup>  
 ipsum Cæsarem timore concuti: expeti quidem ab eo Concilium, <sup>13. Iulij anno 1560.</sup>  
 sed Lutheranorum offenditionem formidari: responfa nimis ambigua reddi, & libellum ad se mitti, quem Pontifex Amulio communicabat, perebatque tum ipsius tum Reipublicæ sententiam, sed per religiosum arcanum; re liquide compertâ Protestantes triumphassent. Adiecit Pontifex, A se optari sincerè Conciliū, atque idcirco Tridentum proponi, bis iam acceptum: atqui si lactare homines studuisse rerum oblatarum specie, electionem loci adduxisset in medium; de qua priusquam inter omnes conuenisset, multum temporis effluxisset. Non magis Tridentinam sedem quām aliam à se appeti, dummodo tutam; sed tales non esse Germanicas vrbes: quapropter si cō iretur, verendum esse ne de Præsulibus versus illi repeterentur, quos Federicus Oenobarbus protulit:

*Centum Legati venient hucusque rogati;  
 Papæ Prælati maneant hucusque ligati.*

Præter Lutheranorum vires, potentiores esse in Germania Maximilianum Bohemiæ Regem patre suo Ferdinando; & in Maximiliano sinceritatem Fidei suspectam esse. Ac per eam opportunitatem differendi de Conciliū statione, Pontifex Amulum interrogauit, An esset concessura Respublica, vbi Tridentum repudia-

Pars II.

Cccc retur,

1560. retur, aliquam è suis vrbibus, quemadmodum alias consenserat de Vicentia.

Secundo loco difficultatem tetigit, obiectam continuationi Concilij, scilicet, hoc idem fore, ac res ab eo sanctitas confirmari: aitque, Non modò ne apicem quidem esse mutandum in iis quæ ad Fidem spectabant, pro qua sanguis profundendus erat; sed neque pariter abrogandas sine auctoritate Concilij eas leges, quas Concilium tulerat, de quo similiter Oratorem sententiam rogauit. Aperte quidem affirmauit, velle se, vt omni sibi debitâ libertate Synodus frueretur; proinde saluâ capitum decretorum integritate, Sedisque Apostolicæ dignitate, statueret quidquid ipsa rectum censuisset. Si quid autem deberet ipse alicui restituere ( auctoritatem fortasse indicans Episcoporum ) se ad id præstò esse. Postremò, sumptionem Eucharistiae sub vtraque specie laicis, & coniuges Sacerdotibus posse quidem à se concedi, quippe relaxations legum dumtaxat Ecclesiasticarum; sed videri sibi, haud par esse vt huiusmodi sanctiones, in aliis Conciliis firmatae, absque nouo Concilio delerantur: atque in hoc etiam ab Amulio petuit quid ipse sentiret.

In primo capite satis ille Tridentinam Sedem commendauit; ac de vrbibus Reipublicæ suæ respondit, Incomptam sibi esse voluntatem Senatus; sed cum ab eo Vicentia concedebatur, re ipsa cum Turca bellum fuisse, adeoque cessasse tunc rationem, ne tanti molossi dentes irritarentur: nunc pacem cum eo à Venetis exercen, quæ in quietem incolumitatemque totius Christiani Orbis, & Italiæ potissimum, redundabat: pronum esse Turcam ad suspiciones concipiendas, & fortassis etiam ad simulandas; quippe qui speciem quereret, vt quasi prouocatus oppimeret: quare cum rumor ferret, in huiusmodi Conciliis agitanda esse fœdera aduersus Turcarum potentiam, è re Christiana non videri, vt Venetorum Respublica, Christianorum propugnaculum, his periculis obvolveretur. Quamquam autem Pontifex ab eo peteret, vt sui Principis voluntatem exquireret, variis ille temporibus semper respondit in eamdem sententiam; sed quasi ex se, & numquam nomine publico. Quocircè Pius VI trà quām ille loquebatur intelligens, subiecit, Sux mentis non esse, Venetam Rempublicam molestiis obiectare. De non abrogandis sanctionibus Tridenti constitutis dixit Amulus, esse supra vires animi sui, de robustam celsis sententiam ferre; solum generatim se nosse, Aristotelem docere, latarum legum perpetuitatem adeò conferre Reipublicæ, vt expeditat eas retineri, etiam cum à principio illas condere nequaquam profuit. Denique de duabus

e Constat ex variis eius litteris ad Senatum.

bus relaxationibus, quas Cæsar petierat, Amulius responsionis loco Pontificem est percontatus, num per eas postea hæretici ad Ecclesiæ finum reddituri essent. Cui Pontifex: Id se minimè credere, quando ne ipse quidem Cæsar huiusmodi spem faciebat: cùm autem id emolumenti non prænosceretur, nec oportere sine Concilio tam grauem in ritibus & disciplina Ecclesiastica mutationem admittere.

7 Pius, præter hæc colloquia cum Amulio, manè tertio Iunij cunctos Principum Oratores acceruit<sup>d</sup>, excepto Gallo, quicum ait se collocutum seorsim, ne controuersia potioris loci ansam præberet. Illis exposuit memoratam cogendæ Synodi Oecumenicæ necessitatem, & quæ paulò antè recensuimus, pro ea parte quam auditorum conditio opportunam suadebat. Adiecit, Nolle se propriam nationis Synodus in Gallia, propterea quod alteram etiam sibi voluisse Germania, & quæcumque Provincia pro suo arbitratu; vnde non refarcitum Ecclesiæ, sed discussum iri. Iam verò cùm Synodus Oecumenica sine Christianorum Principum consensu celebrari non posset, cunctis se quid ipse vellet significasse, & in animum inducere, cunctos etiam sibi consensuros: tamen fuisse tunc acceritos Oratores, vt ad suum quisque Principem ea de re scriberet, & quid ille decerneret, clarius referrent; ac proinde, si tantum opus aliquorum causâ subsisteret, scirent reliqui, cui imputandum, ne cùm sinistrâ famâ Pontifex oneraretur. Omnes consilium commendarunt: solùm Cæsareus difficultatem insinuauit de Tridentino domicilio; & Vargas, qui, absente morbi causâ Tendilia Comite, interfuit, prolixam quasi enarrationem habuit de Conciliis, eorumque natura, disputans de Oecumenicis, & de propriis nationum, in quæ pluribus inuectus est, adeoque oblique in Gallos ipsa appetentes. Verùm, perinde ac vsuuenit in cunctis dotibus, quorum ostentatio intempestivè adhibetur, Vargas potius scommata tamquam vanus, quam laudem tamquam doctus reportauit.

8 Intelligebat Pontifex, deliberationis summam ad Cæsarem redigi, cui tandem reliqui rem committebant. Statuit itaque ad illum mittere eam ob causam alterum Nuntium, qui Osij studio ac sapientiae adiiceret natuam dexteritatem, comparatamque experientiam in ciuilibus negotiis, etiam super iisdem argumentis, & cum iisdem Germanis; vt si aduerso casu in eam rerum tractationem is à Cæsare discreparet, posset adhuc manere Osius integrâ benevolentia, & operam nauare probitate ac doctrinâ recuperandis hæreticis, & Catholicis confirmandis. Ad id peragendum selegit Za-

<sup>d</sup> Litteræ A-  
mulfi ad Se-  
natum, co-  
dem die.

Cccc 2 chariam

1560.

<sup>e</sup> Mandata  
sunt in Ar-  
chivio Va-  
ticano.

chariam Delfinum Episcopum Pharensem, qui, sicut narratum est, Nuntium ibi egerat Iulio & Paulo IV. sedentibus, charus Fernando, cuius ipse res gestas apud Pontificem demortuum excusaverat, pendente controvërsiâ, honorandus necne is esset à Pontifice tamquam Cæsar; adeò ut Delfinus post suum in Vrbem redditum honorisfis Cæsaris litteris fuerit nouo Pontifici commendatus.

Initium illi est, vt omni ope studeret palam facere Cæsari necessitatem restituendi Tridento Concilij: cunctos illi viri semel consensisse; præter eam singulas disputationibus, discordiis, cunctationibus subiacere: reliquos Principes accepturos fortasse non esse urbem in sinu Germaniae; & vbi acciperent, ne ipsius quidem Cæsaris in eo commodum reperiri. Etenim cum in ea regione vildiores essent hæretici quam Catholici, possent illi hos in Concilio cogere ad declarationem aliquam sibi conducibilem; cui si Cæsar indulgeret, infensos sibi Principes Catholicos redderet, suum nomen contaminaret, suam animam perderet: si obfisteret, aleam subiret accipiendo grauiorem à Protestantibus plagam, quam ante Carolus V. cum alia ipse regna non obtineret, vnde sibi confugium & arma præstarentur. Liquere iam quid intenderent, sibiique arrogarent hæretici, Synodum videlicet Ecclesiæ consuetudini dignitatique repugnantem; adeoque vbi in locum illis acceptum e cogeretur, nihil id profectum ad ipsos in Concilium alliciendos, quin potius ad porrigendam eisdem opportunitatem, vt in schismaticum illud corrumperent. Tridenti remanere Concilium, quoniam ad præstolandum belli exitum suspensum fuerat, adeoque soluto nunc bello suspensionem solui. Protestantes qui Synodum adirent, omni comitate acceptum atque auditum iri: sperandum esse, aliquem ex illis, appetentem pacis, conuenturum, & exemplo exhibetæ huic charitatis alios pariter subinde accessuros, quibus uita, non euercio Ecclesiæ cordi esset. Si operæ Ferdinandi Concilium retardaretur, minus propterea eumdem gratum futurum duobus Regibus, operis celeritatem flagitantibus; Pontifici, qui eius & necessitatem pernoscebat, & desiderio flagrabat; & ipsisdem Protestantibus, quorum gratia id postulabatur: iij siquidem suis in conuentibus Synodum petiissent conducibilibus sibi conditionibus, iisdemque Cæsaris conscientiæ & auctoritati repugnibus; adeoque necesse haberet, vt eos per repulsam à se auerlos redideret; neque tunc quasi clypeum præstò illi futurum apertum Concilium Oecumenicum, sine cuius consensu nihil innouare liceret.

De securitate Tridenti; posse illam expendi aut Catholicorum <sup>10</sup> aut

aut Protestantium habitâ ratione : Catholicos illâ fruituros ob vires Cæsarî, Ducis Clivensis, Bauarici , cunctorumque Principum Ecclesiasticorum , & ob propinquas Gallorum suppetias ; atque à Pontifice nerois omnes ditionis Ecclesiasticæ , vitam ac sanguinem suorum consanguineorum exhiberi , eumdemque curaturum fœdus Italicorum omnium Principum, ad factos sanctum illum Conuentum defendendum : Protestantibus vero nihil esse verendum in vrbe Tridentina, ad Germaniam portas sita ; sed quod ipsis tutius cautum foret , amplissimas quasque publicæ fidei tabulas, quibus abundè illis satisficeret, offerri ; quin etiam velle Pontificem, ut non modò ipsi audirentur, blandiusque haberentur , sed ut Synodus iisdem , quantum conscientia ferret, indulgeret, concessâ illi plenissimâ libertate de cunctis eorum postulatis agendi.

11 Denique quod ad reformandam disciplinam spectabat , nullam à Pontifice sine linea ducta prætermitti diem : sed nusquam melius id perfici posse, quam in Concilio, in quo ubi censeretur in ipso Pontifice aliquid huiusmodi desiderari, libenter ipsum se reformari passum, suoque exemplo reliquos præcessurum. Addebatur Nuntio : quo remouerentur à Cæsare omnes illecebræ , quas Politici consiliarij , humanis ducti rationibus, illi obtrudebant, studeret ipse palam eidem facere, satius fore, ad conseruandum in Austriaca familia Imperium , Catholicis quam Protestantibus adhærere ; hoc namque posteriori modo etiam si filius eligeretur , non tamen eius electionem probaturum Pontificem , nec fortasse Catholicos Principes, nec in primis Ecclesiasticos Germaniam , qui de alio sibi Principe prospicerent. Ac de cetero, Septemuiri hæreticos tametsi potentiam, non tamen numero praestare Catholicis ; & in electione suffragia numerari, non vires expendi.

12 Vbi Cæsar his rationibus haud acquiesceret , Tridentique Synodus recusarer, Nuntius modestè contestaretur ; Non licere Pontifici citra Diuinam offensionem deesse necessitati votisque ceterorum nationum , quæ nouis hæresibus perturbatae periclitabantur ; proinde Synodus alibi in Italia coacturum ; obsecraretque Cæsarem, ut suis certè Oratoribus eam cohonestaret. Denique ubi adeò is obduresceret , vt cuicunque seu Tridenti seu in Italia Concilio repugnaret, vehementerque deposceret duo, de quibus diximus, laxamenta, morumque emendationem; ipsi Nuntius denuntiaret, Sicuti Pontifex reuocaturus non erat superiorum Pontificum concessiones de duobus illis articulis (indicans id quod Lippomanus & Bertanus indulserant, per facultates Pauli III. in Germaniam delatas )

1560.

tas) ita neque ipsum decere vltra progredi, nisi ex sententia cunctarum nationum, cunctorumque Christianorum Principum, ad quos articuli spectabant, ob ea quae inde deduci possent, ac potissimum ob exemplum. Quamuis enim illi articuli Ecclesiastici iuris essent, adeoque liceret Pontifici ex plenitudine iurisdictionis eos concedere; tamen cum de ipsis in anteactis Conciliis actum fuisse, ab honestate postulari, ne id per se solum ipse praestaret. Ad eos igitur articulos, omnemque aliam morum correctionem statuendam, habere Pontificem in animo, quatuor Episcopos cum aliquot Theologis selectis ex qualibet prouincia accersire, & ex eorum consilio emendationis leges edere, tum communes cunctis Clericis, tum proprias, pro cuiusvis regionis opportunitate.

Hæc à Pio tradita sunt Delfino mandata, iniunctumque, ut suorem negotio conquereret à Ducibus Bauariæ, ab Archiepiscopo Salisburgensi, ac reliquis Principibus Ecclesiasticis; atque ut cuncta cum Lunensi Comite, Oratore Hispaniæ, per intimam fiduciam communicaret; sed quoad minimè posset cum Rege Bohemiae: sensa tamen religiosa eidem insinuaret operâ vxoris, quæ Philosophi Regis soror erat. Usque adeò remunerari homines cupit Deus, ut quæ ipsi ad id sibi ius comparent, non dedignetur fe illorum quasi ope in sua causa indigum præbere.

## CAPUT XV.

*Cardinalium creatio. Moroni absolutio. Montanus Cardinalis, & Caraffenses in carcerem coniecti: eorumdem causæ series, & exitus.*

a 31. Ianuarij, in Actis Confistor.

**I**ntraea quæ Pontifex cum Principibus foris agitabat, magis conspicua ab eodem Romæ gesta minimè prætermittam. In his primum locum obtinuit trium in Purpuratos cooptatio. Ex iis unus fuit Ioannes, Cosmi Ducis filius, cui præter reciprocam benevolentiam, Marchionis Maliniani causâ in expugnatione Senedi contractam, gloriabatur Pius beneficiis illi se consanguineum ostentare: reliqui duo, alter sororis filius, alter sobrinus eiusdem Pontificis, Carolus Borromæus, & Ioannes Antonius Sorbellonius: Borromæo supremam auctoritatem in Aula, siue ad hoc impelleretur à præcellentí viri virtute, quæ non flores modò, sed fructus in annorum vere proferebat; siue arcanum esset opus Diuinæ prudenteriæ, quæ vellet in ingentem Ecclesiæ utilitatem vertere illud opus, quod Petri successori caro & sanguis reuelabat.

Pauli